

आकाशवाणी

खास-खास खबरां विजय बजाजा कोला:-

- प्रधानमंत्री नरेन्द्र मोदी होर कल बिहार ते पच्छिम बंगाल दे दौर पर होडन, जिस दरान ओह केई सारी विकास परियोजनाएं दे नीह पत्थर रक्खडन ते केई परियोजनाएं दा उद्घाटन बी करडन।
- रेल मंत्री अश्विनी वैष्णव होरें ऐलान कीता ऐ जे देआली ते छठ दे ध्यार दे मौके उप्पर 12 जहार बशेश रेलगड्डियां चलायां जाडन।
- बदेश मंत्रीडाक्टर एस. जयशंकर होरें आक्खेआ ऐ जे पिच्छले चंऊ बरें दे दरान भारत ते रूस बशकार दपक्खी बपार 2021 च 13 बिलियन डॉलरें थमां बधियै 2024-25 च 68 बिलियन डॉलरें तोहड़ी पुज्जी गेआ ऐ।
- इस्राइली सेना नै घोषणा कीती ऐ जे उन्नै गाज़ा शैहरा पर कब्ज़ा करने ते उसी अपने काबू च लैने ले। योजनाबद्ध ढंगगै नै ज़मीनी हमले शुरू करी दिते न।
- भारती महिला पलोआन तपस्या होरें बुल्गारिया च अंडर-20 वर्ल्ड-रेसलिंग चैंपियनशिप 2025 च देसै ले। पैहला सुन्ने दा तगमा जितेआ ऐ।

- जम्मू-कश्मीर च त्रंऊ दिनें दा “खेलो इंडिया वाटर स्पोर्ट्स फेस्टिवल” अज्जे थमां 23 अगस्त तगर डल- झील च आयोजित कीता जा'रदा ऐ।

<><><><><><>

### PM Bihar WB Visit

प्रधानमंत्री नरेन्द्र मोदी होर कल 22 अगस्त थमां बिहार ते पच्छम बंगाल दे दौरे पर होडन। इस दरान श्री मोदी होर बिहार दे गया च 13 जहार करोड़ रुपें शा मते दिएं विकास परियोजनाएं दे नीह पत्थर रक्खडन ते उद्घाटन बी करडन। तोआई पच्छम बंगाल दे दौरे दरान प्रधानमंत्री हुं'दा 5 जहार 200 करोड़ रुपें शा मते दिएं विकास परियोजनाएं दा नीह पत्थर रक्खडन ते केई परियोजनाएं दा उद्घाटन करने दा कार्यक्रम ऐ। श्री मोदी होर कोलकाता च नमी बना गेदी सैक्शनें पर मेट्रो ट्रेन सेवाएं गी बी शुरु करोआडन। एहदे अलावा ओह 7 इशारिया 2 किलोमीटर लम्मे ते 6 लेनें आहले कोना एक्सप्रेस-वे दा नीह पत्थर बी रक्खडन- जेहदे निर्माण उप्पर 12 सौ करोड़ रुपें दी लागत औग। इस पैहलकदमी कन्नै हावड़ा ते कोलकाता दे होरनें बक्ख-बक्ख इलाके बश्कार संपर्क सुविधा च खरा मता बाददा होग।

<><><><><><>

### Spl Trains

रेल मंत्री अश्विनी वैष्णव होरें ऐलान कीता ऐ जे देआली ते छठ दे ध्यार दे मौके उप्पर 12 ज्हार बशेश रेलगड्डियां चलायां जाडन। राष्ट्री जनतांत्रिक गठबंधन-एन.डी.ए च बिहार दे नेताएं कन्नै चर्चा दे बाद उनें एह ऐलान कीता। श्री वैष्णव होरें आक्खेआ जे रेल मंत्रालय नै नां छड़ा नमीं रेलगड्डियां चलाने, सगुआं केई होरनें योजनाएं ते बुनियादी ढांचा परियोजनाएं पर बी कम्म कीता ऐ। रेल मंत्री होरें आक्खेआ जे सामान्य श्रेणी दे यात्रिये दी सुविधा ले। दिल्ली-गया,सहरसा-अमृतसर, छपरा-दिल्ली ते मुज़फ़्फ़रपुर-हैदराबाद ले। चार नमीं अमृत भारत रेलगड्डियां शुरू कीतीआं जाडन। दिल्ली च, बिहार दे एन.डी.ए नेताएं देआली ते छठ पर्व ले। रेलवे बवस्थाएं दी समीक्षा ले। रेल मंत्री अश्विनी वैष्णव हुंदे कन्नै मलाटी कीती। श्री वैष्णव होरें इब्बी दस्सेआ जे 13 थमां 26 अक्टूबर तगर जातरा करने आहले ते 17 नवंबर थमां पैहली दिसंबर तगर वापसी यात्रा करने आहले यात्रिये गी इक नमीं प्रायोगिक योजना दे तैहत कन्फर्म टिकट दे कन्नो-कन्नी वापसी कराये च 20 फीसद दी छूट बी मिलोग।

<><><><><><><>

India –Russia Trade

विदेश मंत्री डाक्टर एस. जयशंकर हुंदा आक्खना ऐ जे खीरी चंऊ बरें थमां भारत ते रूस बशकार दपक्खी बपार 5 गुणा बधी गेदा ऐ। 2021 च एह बपार 13 बिलियन डालरें दा हा, जेड़ा 2024-25 च बधियै 68 बिलियन डॉलर हो। गेदा ऐ। डाक्टर एस. जयशंकर होरें मॉस्को च भारत-रूस दी 26मीं बैठक दी सांझे

तौरा पर अध्यक्षता किती, जेदे च रुस दे उप-प्रधानमंत्री डेनिस मंटूरोव बी शामिल हे। डाक्टर एस. जयशंकर होरें गलाया जे इस बपार च बढ़ौतरी 6 इशारिया 6 अरब डॉलर थमां बधियै 58 इशारिया 9 अरब डॉलर यानि 9 गुणा बद्ध होए। उनें जोर भरियै आक्खेया जे दौनें मुखें दे बशकार जेड़ा बपार असंतुलन ऐ, उसी दूर करने दी बी लौड़ ऐ।



### Gaming Bill

लोकसभा नै ऑनलाइन गेमिंग ते विनियम बिल-2025 गी पास करी दिता ऐ। एह बिल e-sports ते ऑनलाइन सामाजिक खेड्डें गी बढ़ावा दिन्दा ऐ ते हानिकारण ऑनलाइन धन-सरबन्धी गेमिंग सेवाएं उप्पर रोक लांदा ऐ। एहदे च ऑनलाइन गेमिंग प्राधिकरण नियुक्त करने दा प्रावधान ऐ, जेड़ा क्षेत्र दे नियामक पर्यवेक्षण, नीतिगत सहयोग, रणनीतिक विकास ते विनियम दे दिक्ख-रिक्ख करोग। एह बिल लोके खास करियै, युवाएं गी इयै जनेही खेड्डें दे माड़े असर थमां बचाने आस्तै बनाया गया ऐ।

इस बिल गी सदन च रक्खदे होए। इलैक्ट्रानिक्स ते सूचन मंत्री अश्विनी वैष्णव होरें आक्खेया जे पिच्छले 11 बरें च डिजिटल प्राद्योगिकी क्षेत्र नै जबरदस्त बढ़ौतरी दिक्खी ऐ ते डिजिटल प्रोद्योगिकी क्षेत्र च केए स्टार्ट-अप कम्म करा रदे

न। मंत्री होरें इब्बी गलाया जे ऑनलाइन धन-सरबन्धी गेमिंग, समाज आस्तै चिंता दा विशे बनी चुके दा ऐ, कीजे एह नशे दी लत पैदा करदा ऐ।

<><><><><><>

## Israel Gaza Operations

इस्राइली सेना नै घोषणा कीती ऐ जे उन्नै गाज़ा शैहरा पर कब्ज़ा करने ते उसी अपने काबू च लैने ले। योजनाबद्ध ढंगनै ज़मीनी हमले शुरू करी दिते न। सेना पैहले थमां गे बाहरले इलाकें जितून ते जबालिया च इक बड्डेह मले दी तयारी च लग्गी दी ऐ। इस्राइल दे रक्षा मंत्री इज़राइल काट्ज़ होरें कल इस योजना गी मंजूरी दित्ती। इस हफ्ते दे अखीरें च इस्राइल दी सुरक्षा कैबिनेट च इस योजना दी समीक्षा कीती जाहग। इस्राइली रक्षा बलें -आ.डी.एफ नै इक ब्यान च आक्खेआ जे इस अभियान ले। 60 जहार रिज़र्व सैनिकें गी सद्देआ जा'रदा ऐ। इस्राइल नै आक्खेआ जे ओहदा लक्ष्य हमास दे फौजी ढांचे गी गाज़ा दी आबादी थमां बकखरा करियै कमज़ोर ते नष्ट करना ऐ। इस्राइल दे इक फौजी प्रवक्ता नै दस्सेआ ऐ जे तकरीबन 2 ब'रें दी जंग दे बाद हमास पूरी चाल्ती तबाह हो। गेदा ऐ। हालांकि केई देशें इस हमले दी निंदेआ कीती ऐ। फ्रांस दे राष्ट्रपति इमैनुएल मैक्रों होरें चेतावनी दित्ती ऐ जे एहदे'नै आपदा ते इलाका अस्थिरता पैदा हो। सकदी ऐ। अंतर्राष्ट्रीय रेड क्रॉस समिति-आ.आर.सी नै बी गाज़ा दी स्थिति पर चैता बुज्झी ऐ। उन्नै चेतावनी दित्ती ऐ जे अग्गे दी लड़ा कन्नै हालात होर खराब होडन ते बाकी दे 50 बंधकें दी रिहा। च रुकावट औग।

आ०.सी.आर.सी नै फौरी तौर पर युद्ध विराम करने ते मनुक्खी सहायता बेहतर बनाने दी गुजारिश कीती ऐ।



India –Russia Business Forum

विदेश मंत्री डाक्टर एस. जयशंकर होरें आक्खेया ऐ जे भारत-रुस दी सांझेदारी-मजबूती दे कन्नो-कन्नी नमें क्षेत्रें ते अवसरें दी खोज करा रदी ऐ। माँस्को दे भारत-रुस बपार मंच गी सम्बोधित करदे हो०- उनें कोरोबारियें गी बद्ध बपार करने ते होर मते निवेश ते सांझे उपक्रम यानि Joint Ventures स्थापति करने ते आर्थिक सहयोग दे नमें रस्ते खोलने दा आहवान किता।

कोविड महामारी- राजनीतिक ते आर्थिक बदलावें ते बपार च अस्थिरता दे असर उपपर जोर पांदे हो०- उनें आक्खेया जे इनें सब्भनें गै भरोसेमंद ते स्थिर भागीदारें दे महत्वै गी सिखाया ऐ। भारत -यूरेशियन आर्थिक संघ ते मुक्त बपार समझौते यानि FTA दी शर्तें पर गल्लबात करदे हो०- डाक्टर एस. जयशंकर होरें आक्खेया जे मुख क्षेत्रें च सांझे उपक्रमें गी बढ़ावा देने- तालमेल गी सुधारने ते बपारिक समझौतें गी सखल्ला बनाने उपपर गल्लबात चला रदी ऐ।



U20 Wrestling C'ships

भारतीय पहलवान तपस्या नै बुलगारिया च हो० दी U20 विश्व कुश्ती चैम्पियनशिप -2025 च मुख्यै ले० पैहला सुन्ने दा तगमा जितेया। तपस्या नै महिलायें दे 57 किलोग्राम भार वर्ग दे फा०नल मुकाबले च Norway दी फेलिसिटास डोमायेवा गी 5-2 थमां हराइयै एह उपलब्धि हासल कीती। एशियन U20 चैम्पियनशिप च सुन्ने दा तगमा जितने आली तपस्या नै अपने अभियान दी शुरुआत Dolzhon Tsyngueva गी 6-0 कन्नै हराइयै किती ही। एहदे मगरा, उनें फ्रांस दी सोमाइसा एल खारुबी गी Quarter Final च असानी कन्नै हरा० दिता। फही सैमीफा०नल च जापान दी सेवाका उचिदा गी कड़े मुकाबले च 4-3 कन्नै हराया। महिलायें दे 68 किलो वर्ग च भारत दी सृष्टि नै चांदी दा तगमा जितेया, फा०नल च सृष्टि जापान दी रे-होशिनो थमां 0-7 कन्नै हारी गेइयां। सृष्टि होर सैमीफा०नल च जर्मनी दी लॉरा कोहलर गी 7-3 थमां हराइयै फा०नल च आ० गेइयां। तोंआ० मर्दे दे मैच च सुमित मल्लिक होरें 57 किलो वर्ग च रूस दे मगोमेद ओडज़ामिरो थमां 5-8 थमां हारने मगरा चांदी दा तगमा हासल किता। हुनै तोड़ी भारतीय पैहलवानें U 20 विश्व कुश्ती चैम्पियनशिप 2025 च कुल 3 तगमें जिते न, जिन्दे च इक सुन्ने दा ते 2 चांदी दे तगमें शामिल न।

<><><><><><>

Khelo India Water Sports

जम्मू-कश्मीर च त्र' उं दिनें दे खेलो इंडिया वाटर स्पोर्ट्स फेस्टिवल अज्जैथमां 23 अगस्त तगर डल झील च आयोजित कीता जा' रदा ऐ। इस आयोजन गी

जम्मू-कश्मीरदी संस्कृति ते विरासत दे उत्सव दे रूपै च दिक्खेआ जा' रदा ऐ। महोत्सव दा शुभांकर दलेरी,ऊर्जा ते कुदरत कन्नै ढूहगे जुड़ाव गी दर्शाने आहले हिमालयी किंगफिशर थमां प्रेरितऐ। 36एं राज्यें ते केंद्र शासित प्रदेशें दे 500 शा मते एथलीट बक्ख-बक्खखेड्ढ आयोजनें च हिस्सा लैडन। महोत्सव च वाटर स्कीइंग, ड्रैगन बोट ते शिकारारेस ज्नेह् प्रदर्शन बी शामिल न। भारती खेड्ढ प्राधिकरण ते जम्मू-कश्मीर खेड्ढपरिषद आसेआ सांझे तौर पर आयोजित एह उत्सव सरकार दी 'खेलो इंडिया' नीति दे तैहत आयोजित कीता जा करदा ऐ। युवा मामलें सरबंधी केन्द्री राज्य मंत्रीरक्षा निखिल खडसे, उपराज्यपाल मनोज सिन्हा ते मुख्यमंत्री ओमर अब्दुल्ला अज्ज सं' झांश्रीनगर च एहदे उद्घाटन समारोह च शामिल होडन।

<><><><><><>